

Pɔ̃ari w̃ari d̃i p̃at̃iri d̃eri Kirisi kɔbe b̃èè bo Kɔdɛnti Di mp̃at̃iri tɔ t̃i ñãnt̃i

Pɔ̃ari w̃ari d̃i p̃at̃iri d̃eri Kɔdɛnti kɔbe, k̃e ti d̃i k̃aa nti bo ya Pɔ̃ari dɔ bɔ̀ɔteñe m̃èè ààrim̃e, Kɔdɛnti kɔbe ñe wenwe be kó metaumm̃e do d̃omm̃e. Kɔdɛnti kɔbe do cààr̃emu Pɔ̃ari tim̃ómm̃onti b̃è í yiem̃m̃e ke d̃o mPɔ̃ari m̃enke tú Kuyie nkóo t̃ɔnt̃i. K̃e Pɔ̃ari b̃è w̃ari ke bo b̃è benke ò tum̃e Kuyie nkóo t̃ɔnt̃i. Muk̃amm̃u niimm̃u mĩeke k̃e Pɔ̃ari nyáúkunko Kɔdɛnti kɔbe k̃ont̃i ke tú b̃è ñniti.

Di mp̃at̃iri ñãnt̃i duó ke d̃omm̃e

1. Pɔ̃ari do bɔ̀ɔteñe m̃èè ààrim̃e Kɔdɛnti 1-7
2. Pɔ̃ari duómm̃e k̃e b̃è p̃amm̃ú id̃íít̃i Sedisad̃emmu eì kó beç̃irib̃e k̃p̃éí 8-9
3. Pɔ̃ari ñàk̃ém̃e ò tú w̃e 10-13

Mud̃ummu

¹ Mí mPɔ̃ari Kuyie nkuù d̃ó k̃e ñ naá nYesu Kirisi kó dit̃ɔnñi ñe ti népo Tim̃ɔnt̃ee, t̃i di w̃ari di mp̃at̃iri, d̃índi Kirisi kɔbe bẽm̃ou b̃èè bo Kɔdɛnti ñe Akaỹii om̃ou mĩeke. ² Kuyie nti cice ñe ti Yiè nYesu Kirisi b̃è di duó mmesàà ññe diw̃èi.

Kuyie nñarikunkom̃e ti ỹemm̃e

³ T̃i s̃ánt̃i Kuyie nti Yiè nYesu Kirisi cice, ti cice w̃èè m̃àke mes̃émm̃e ke ñarikunko ti ỹemm̃e meborime mem̃ou mĩeke. ⁴ Ò ñarikunko ti ỹemm̃e k̃e d̃è bo yie nk̃e ti na k̃éñarikunk̃ne b̃èè bo meyeñcààrim̃e mĩeke be k̃õme mme ñe kù ti duó mm̃uù w̃ér̃ím̃ú.

⁵ Kéndonè ti fěũrìmè Kirisi kpéi mmediè, mɛ̀ botí nku ò náríkùnkómè ti yèmmè mediè. ⁶ Ti fěũrì kè dè bo náríkùnnè di yèmmè mme, kè dí pété medeetímè. Kirisi náríkùnnè ti yèmmè kè dè bo náríkùnnè dī kōme, kè dí mmi ndi fěũrì dī m̀nnì ti fěũrì mɛ̀ fěũtímè. ⁷ Ti yé ke dò ndi ti wě́nnè mɛ̀ botí ke fěũrì, di yóo me nti wě́nnènè ti kó kuyènaatí mieke.

⁸ N kabe ti dó dí yǐtému ti fěũtè mɛ̀ botí Asii tempè mmieke, kè dèe cǐ́eke kè ti yǎnte, kè tí keté ke í nyé ke dò nti bo nfòu. ⁹ Ti mènke sòò í yé ke dò nti bo nfòu, ke bútínko kénkémmú Kuyie mmáà, kunku kùù ã̃ duó nkè becírbèe yánté. ¹⁰ Kuù ti deeténè mukũũ, nke yóo nti deeri, ti ku mbúó, kuù yó nti deeri sáã. ¹¹ Ke yé di yóo nti wě́nnèmè ke báa nKuyie, nkè kùu cǎuté di báammu kè ti dǎò mesàà, nkè dí kù sǎnte de kpéi.

Pɔ̃ari do dómè kékote Kòdenti kèwète kèyóu

¹² Nte dè ti naatinè tì: Ti yèmmè ti náámmu ti borime wennimè kè ti dò mpáíí kutenkù mieke, ke né dake wenni di borè, dè í tú nè onìtì kó mecii, ndè bonní Kuyie nkó mesàà mborè nde. ¹³ Ti di wǎũ tì í cáánnè di kaà nti ke tì yo. Ti yèmmè dòmmè ti ti ndi wàri, kè n yé ke dò ndi bo tì kàa nkékeè timou páíí. ¹⁴ Di yǐtému bàmbà ndikèè tiù tú ti Yiè nYesu Kirisi yóo wètenímè kè di yèmmè ti narikenè ti kōme di naatinèmè.

¹⁵ Nè de kó kuyènaatí kpéi nke n do dómè kékete kékote di cie, kényíe kénáríkùnnè di yèmmè, ¹⁶ kèpèètè kékote Maseduanni kénwétiní kè dí n teennè kè n kote Sudee. ¹⁷ N do tú dī m̀nnì m bo katoò ke wántímáà? N do sǎnté kènnáá m máà? Ke ní bo yǐ ɛ̃

kéwēte ke dò áà? ¹⁸ Kuyie nyému n do í sóummè, n nò í bo yèdèè. ¹⁹ Timòntee nè Sidifēē nè mí mmómмуo, ti di nàké Kuyie mBire dèè kpéí, nYesu Kirisi òó í nyĩ ēē, kéwēte ke dò áà. ²⁰ Yesu Kirisi kòtenímè dèè benkú ke dò nKuyie òó í mbéi nkéceete. Dèè te kè ti òó yĩ nè Yesu yètìrì: Kè dè mme ndò. Kédéúkùnnè Kuyie nyètìrì. ²¹ Kuyie nkumómмуnku kuù ti tããté timòu nè dínni, ke ti kpénkùnnè Kirisi kó metaummè miēke. ²² Kuù ti cànnè ke ti duó mMuyaáansààmù mùù benkú kù ti baanè mèè sàà.

²³ Kè n sóummu Kuyie nni nkuò! N yí dó kécaàrè di yèmmè dèè te kè n yí wètoò di cie Kòdènti. ²⁴ N yí dó ké di nàké nè muwērimú di dò nkéntū mmèè botí Kirisi. Di kpenkemu kè n dó kénáríkùnnè di yèmmè.

2

¹ Dèè te kè n tããté ke í dó kéwètoò di cie kényíe kécaàrè di yèmmè. ² M me nwúómмуè dímbè kè n yèmmè naati, kè n cààrè di yèmmè, n yèmmè ténke né nnaatinè òmbè? ³ Dèè te kè n di wàri n sòò di wàri tì. N do í dó n kòtoò kè n yèmmè caàrènnè n na nwúó mbè kè mè naati. N yému ke dò nkè n yèmmè naati, di kōme múnke bo nnaati. ⁴ N sòò yó ndi wãũ nè tinònnieti nti nè meyeñcaàrìmè, dè í dò n dó kécaàrè di yèmmè, n dó dí banté n di dó mèè botí nku.

Ti bo cǐmmè wèè dǎò meyi

⁵ Kòò mǎu te kè n yèmmè cààrè, mĩ máá kōme í cààrè, timòu ndi, yoo bèmabè di miēke kè n dòke báá dè sũũ. ⁶ Kusũkù di miēke ò cònné mèè cónnámè sànnèmu. ⁷ Di mmònni di dò nké ò cǐmmu kénáríkùnnè o yèmmè kè mè dòke báá caàrè. ⁸ N di náámmu ke tú dǎnnè dèmarè kòò banté di ò dómè.

⁹ Dεε te kè n di wàri dipátiri ke bo di yááké káyà kè di yíé n kó itié nyimau. ¹⁰ Kè di ò cǐé nho yei, m múnke ò cǐémmu. N dò nkécǐé nwè, nh ò cǐémmu di kó mesàà nkpréi kè Kirisi yé. ¹¹ Dè bo yiennèmè kè dibòò báá pété mǐfiè nke yé di yémèmu dibòò yèmmè dòmmè.

¹² N tùðke dìi mǎnni Todowaasi kè Kuyie nkpeté kuce kè m bo pǐ mmutǎmmú. ¹³ N yí nyà n népo Titi kè n yèmmèe caàrè kè m bè cau nképèté Maseduanni.

Fekperínafè kàbe

¹⁴ Kuyie nyètirì ndeu, kunku kùù ti tanné fekperínafè mièke, nè Yesu Kirisi kpéi. Kè ti dò tùdààri kufǎòku kunatikù kou tipítì timau, ke bo nte kè benitibèe banté Kirisi. ¹⁵ Kirisi ti dòò tùdààri wèe fǎòku naati wè nwe Kuyie nkpréi, bèè coorí nè bèè fieti kè bè bo nkù yo. ¹⁶ Kè ti tú bèè í coorí be borè kufǎòku kùù kòù. Ke tú bèè coorí be borè kufǎòku kùù duò mmufòmmu. We mbo na kǐpǐ nde kó mutǎmmú? ¹⁷ Ti í dònnè betòbè bèè dòò Kuyie nnáànì kupotáá, tínti náá nKuyie nnáànì weti weti nwe, ke yé kuù ti tǎmmè kè ti tú Kirisi kó betǎmbè.

3

Metaummè pàmmè kó betǎmbè dò nkéndòmmè

¹ Ti mè mbéi nti ti sǎntí timàà ndaà? Yàà ti dò nkéntò yepáte nye yèè benkú ti tú bè, kéndònnè bèmabè dòòrimè? Yoo di ti duònní di kó yepáte? ² Dìi tú yepáte yèè benkú ti tú bè, kè benitibè bo ndi wúó nkébanté ti pǐ mmùù tǎmmú. ³ Dεε benkú di tímè dipátiri Kirisi wàri dì ke dì nti duó ti di nàké

dii m̀ǹǹni Kuyie nnáànti. De kó dipátíri í wàrinè mēwāānie, di wàrinè Muyaáansààmù mmu, di í wàri titápíétì ñnkè, di wàri menitiyèmmè miēke nke.

⁴ Ti náá mmie nke í yĩ̀k̀k̀ù Kuyie mborè ti tá mèè kpéi nKirisí. ⁵ Ti í yē ntũ pĩ nde kó mutōmmú nè ti kó muwērímú ti d̄̄ori dèè kó dimàà bonní Kuyie mborè nde. ⁶ Ke yē kù ti duómmè muwērímú kè ti náá mmetaummè pàmmè kó betōmbè. De kó metaummè pàmmè í bonní ikuó ìi wàri i borè. Ikuó k̄̄umu kè Muyaáansààmù fò̀̀k̀̀nko.

⁷ Ikuó bè do wāũ ìi yetárè ñnkè ìi do k̄̄umu. Nè memme ke nneínè Kuyie nkó kuwenniku diēk̀̀, bá kù me ntúmè kùu pēnké, kè M̄̄oyiisi ìikè mpĩnti bá Isidayēeribe í nna ke bo nhò wúó. ⁸ Kè Kuyie nkó kuwenniku diēk̀̀ do bonè ikuó ìi k̀̀̀, kù bo mbonè Muyaáansààmù mùu duó mufōmmu kēpēēté kù do dōmmè. ⁹ Kè kuwenniku do bonè ikuó ìi k̀̀̀, kù bo mbonè Muyaáansààmù mùu wénk̀̀nko benìtibè kēpēēté kù do dōmmè. ¹⁰ Ti báá na kētúóté Kuyie nkó kuwenniku di m̀ǹǹni k̄̄ku kēhennè k̀̀̀ do pĩnti, di m̀ǹǹni k̄̄ku k̀̀̀ pēētému. ¹¹ Kè Kuyie nkó kuwenniku do bonè dèè í yóó m̄̄nte, kù bo mbonè dèè yó mbo s̄̄á kēpēēté kù do dōmmè.

¹² Ti me nyémè ke dò nkù í yóó deè, deè te kè ti náá nke í yĩ̀k̀̀k̀ù. ¹³ Ti í dōnnè M̄̄oyiisi wèè do ã̄ k̄̄á n̄̄o ìikè kuyà̀̀k̀̀ bá Isidayēeribe í nyà Kuyie nkó kuwenniku dèè dii m̀ǹǹni. ¹⁴ Memme kè de kó kuyà̀̀k̀̀ kpaá k̄̄nké be yèmmè, kè bè kàà mmetaummè kótímè kó dipátíri ke í banní. Kàa í wēnnénè Kirisí dè ã̄ í nda k̄̄áté. ¹⁵ Nè yíenní ke dè baa kpaá ke bè k̄̄nké, kè bè kàà mM̄̄oyiisi

kó yepáte ke í banní. ¹⁶ Onìti còuté dìi m̀̀nnì ndi Yesu, de kó kuyààkù òò kããtéme. ¹⁷ Ke yé ti Yiè ntúmè Muyaánsààmù. Muyaánsààmù borè kunaatí de mbo. ¹⁸ Tínti bèè còuté Yesu, kè de kó kuyààkù kããté, ti m̀̀kemu Kuyie nkó kuwenniku kè kù ti ceeri kè ti naà nnè ti Yiè nyewe yemau duómè ke m̀̀ori o kpeti. Ti Yiè nkó muyaá mmuù pĩ nde kó mutõmmù.

4

Tikpàti tui bo tiyaamati mieke

¹ Kuyie nkuù ti d̀̀ò mesàà nke ti duó nku kó mutõmmù, deè te kè ti mù pĩ nkè ti k̀̀nti í yárikú. ² Ti yóumu medòrìmè disòrì k̀̀me, ti d̀̀òrìmè memau síemu, ti í cíi nhòm̀̀u, ti í ceeri Kuyie nnáànti. Ti náá ntimóm̀̀nti nti benitibè kè Kuyie nwúó, bèè d̀̀ó timóm̀̀nti bè bo na kébanté. ³ Bá kè Tináaansààti ti náá nti kpaá ke s̀̀u, ti s̀̀unè bèè fieti bèmbè. ⁴ Bè í yie nke yé kutenkù kuù nkóo kpààti dibòò bè yè̀̀kunnemè ke bè dìítí bá bè í yau Tináaansààti kó kuwenniku, Kirisi kòku kùù ti benkú Kuyie ndòmmè. ⁵ Ti í náá nti móm̀̀m̀̀mbè kpéí, ti náá nYesu Kirisi kpéí nke, wèè tú ti Yiè, ti tú dú kó betãmbè Kirisi kó metaummè mieke. ⁶ Kuyie nkuù yí kuwennikuu mííté dibìnni mieke kuù mííté ti yemmè mieke, ke ti benke ku kpeti nè Kirisi borè.

⁷ Ti d̀̀onnè tiyaamati nti kè demarè sàarè bo ti mieke, kè benitibè bo banté de kó muwèrímu í túmè ti k̀̀mu kè Kuyie nk̀̀mu mmu. ⁸ Bè ti fè̀̀kumu bè me nyí ti na, ke ti ã̀̀ iyíèke ti k̀̀nti me nyí yárike. ⁹ Bè ti fè̀̀kumu kè Kuyie nti bonè kè bè ti buò nkè ti iiti.

¹⁰ Kè bè ti wantinè mukũũ mbè do mù wantinèmè Yesu, kè bè bo banté Kirisi fòùmè ti mieke, ¹¹ ke ti wantinè mukũũ nsáà Yesu kpéí, kè bè bo banté Yesu fòùmè ti kó tikònti tii yóó kú ti mieke. ¹² Ti náá ntii náaansààtì kè di péu mufòmmu tii te kè bè dó ké ti kuò.

¹³ Ti wàrimu ke tú: N yiemmu deè te kè n nàá. Ti múnke yiemmu deè te kè ti náá. ¹⁴ Ti yému ke dò nKuyie nkùù te kè ti Yiè nYesu yànté kuù yó nte kè ti yànté nè dín-di kè ti wěnné kékote kémbo ku borè. ¹⁵ Ti fěũri díi kpéí nke kusũkù di mieke bo pété Kuyie nkó mesàà kè ku kó yesãã ndòke deuke.

Tikònti tii yóó kú

¹⁶ Deè te kè ti kònti í yárikú, bá kè tikònti cĩtiri ti wě̀rè yie péúmu muwě̀rimú yewe yemau. ¹⁷ Ti fěũri sánpó nwe kè de kó mefěũtímè yóó pě̀tété, deè ti tũnni ke bo ti tanné Kuyie nkó tikpeti mieke tii de u ke í sénni ke yóó mbo sáà, ti pě̀tétému ti mè nyo mmèè sémmè. ¹⁸ Ti í wanti ti nuò nwúó ndè, ti wanti ti í wúó ndè nde, onitii wúó ndè òò í nhòote, ti í wúó ndè deè bo sáà.

5

¹ Ti yému ke dò nti kó tikònti tii ntú yefe nye kè ti bo ye mieke, kè ye ku díi yiè, Kuyie nti duómmu sicèkperí keĩnkè kumómmonku kù maá sì, sì yó mbo sáà. Sì í maánè sinitinù. ² Deè te di mmònni kè ti fěũri de kó yefe mieke ke dó Kuyie nti duó nkeĩnkè kó sicéĩ. ³ Ti me nyóó tamè de kó sicéĩ ti í yóó nfeío. ⁴ Ti mòke tii kònti ketenkè kie nti ti fěũkomu, kè ti ààrì, ti me nyí dó ke kú kénkpa tikònti, ti dó kápété

keĩnkè kpɛti nti kè dɛɛ yie nkè mufòmмуu maánko mukũũ. ⁵ Kuyie nkuù dè dòò ti kpéí nke ti duó Muyaánsààmù mùù benkú kù ti baanèmè mesàà.

⁶ Ti kraá bo dìi m̀ǹǹni tik̀ǹti t̀i m̀mieke ti í t̀k̀k̀ǹǹ ti Yiè nciètè ti k̀mb̀ù̀ti me nyí duò. ⁷ Ti k̀rí ǹǹ me ták̀m̀m̀e m̀me d̀e í tú ti d̀e ẁó. ⁸ Ti k̀mb̀ù̀ti í duò, ti p̀t̀inke d̀ó k̀ỳm̀u ti nk̀ǹti mieke k̀k̀ote ti Yiè mborè. ⁹ D̀e te k̀e ti wanti k̀e ti ku yoo ti f̀òu Kuyie nti p̀ns̀r̀i. ¹⁰ Ke ỳe ti ỳóó cómm̀m̀e diyie mari Kirisi iikè k̀o yietí bá ẁe d̀òr̀im̀e do d̀omm̀e, mesàà nyoo meyei nhò d̀òò m̀e ò kraá f̀òu dìi m̀ǹǹni.

Onitipànwè

¹¹ Ti dé ti Yiè nwe ke p̀i nho t̀mm̀ú, ke ỳũ̀nǹi beǹit̀ib̀e o borè. Kuyie nyẽmu ti ỳemm̀e, k̀e n ỳemm̀e dò ndi m̀únke n ỳe. ¹² Ti í d̀ó k̀s̀ante timáà, ti d̀ó k̀e di náké ti náámm̀e m̀me tim̀ómm̀anti k̀e di ỳemm̀e nti naatinè, k̀e di ní na k̀ét̀enǹe bèè di náánǹe sip̀o bá d̀e í bonní be ỳemm̀e mieke. ¹³ K̀e ti wàáté, ti wàáté Kuyie nkpéí nke, k̀e ti ỳemm̀e me nwenni m̀e wenni díi kpéí. ¹⁴ Kirisi k̀ó medók̀m̀e m̀e ti teǹm̀u, k̀e ti ỳe ke dò nhoǹti omáà k̀ú dìi m̀ǹǹni beǹit̀ib̀e bem̀u kpéí, tim̀u ti kumu. ¹⁵ Ò ku tim̀u ti kpéí nke, ti t̀énke í te timáà, ti dò nkénf̀òu wèè k̀ú ke ỳánté ti kpéí o kpéí nke.

¹⁶ K̀e d̀e dò mem̀me ti t̀énke í ẁó nhòm̀u ǹe menitiyèmm̀e, ti me nténke í ẁó nKirisi ǹe menitiyèmm̀e. ¹⁷ K̀òò m̀òu tàunǹe Kirisi ò naá nhonitipànwè nwe k̀e d̀e k̀ótirè dem̀u p̀ẽt̀é, dem̀u k̀e d̀e naá ndepàǹǹe. ¹⁸ Dem̀u Kuyie nkuù d̀e d̀òri, kunku k̀ù ti taunǹe kumáà ǹe Kirisi borè, ke ti duó

mmutōmmú kè ti bo nyũñní benìtìbè ku borè kè bèe kù taunnè. ¹⁹ Kuyie ntaukonè kumáà benìtìbè nè Kirisi borè nde ke bè cǐénko be yei nke ti duó nde kó mutōmmú ke tú tí náké metaummè kpréí.

²⁰ Ti cómmú Kirisi kó difòtìrì ndi ke di náánnè, Kuyie ndi náánnè ti nò miéke nke, ti di báámmu ke tú dí yie nke taunnè dimáà Kuyie. ²¹ Kirisi do í mǎke meyei mmamè, kè Kuyie nhò toú nti kó meyei mmemou kè dè bo yie nkè kù ti saàkùnnè.

6

¹ Tínti bèè wě́nnè Kuyie nke pǐ nku tōmmú, ti di náámmu ke tú di báá yóu kè Kuyie ndi duó mmèè sàà nyè detetìrè. ² Ti wàrimu ke tú: N kèemu a báammì dimònnì sààrì, ke ì cǎuté, ke da teénnè, n dó ke da dǎeté dǐì mònnì. Tóò, dimònnì sààrì tú dii. Yíe nwe Kuyie ndómè ké da dǎeté!

³ Ti í dó ti dǎòrìmèe bǎ nhòmòu, kè bèe wátí ti tōmmú. ⁴ Ti dó bèe bantému ti dǎòrìmè memou miéke ti túmè Kuyie nkó betōmbè. Dèè te kè ti fěũrì ke áàrì, kè ti yèmmè cǎàrì, ke ti mi. ⁵ Kè bè ti puotì, ke ti kpetì, ke sukú benìtìbè kè be miéke ti peike, kè ti pǐ mutōnyonkumu, ke wenté inuǎ, ke wenté dikònnì. ⁶ Kè Muyaánsààmù ti teénnè kè ti borime wenni, ke ti yé Kuyie nnáàntì, ke mǎke meminnímè, ke nitì, ke dó titòbè mómumu. ⁷ Ti náá nKuyie nnáàntì weti weti nwe kè Kuyie nwērímú ti bonè, ti kó tikpàrìmentì tu ti bo dǎòmè Kuyie ndómè. ⁸ Kè bie nti sǎntí, betòbè nti sǎá, kè bie nti wátìrì, kè betòbè náá nti kó mesàà nkpréí, ke ti wúó nsiyáàbìsì yembè kè ti né náá ntimómwanti. ⁹ Ke dǎòrì ke dò mbè í ti

yé ke né ti yé, kè ti wúó mbèè yóó kú kè ti né fòù, ke ti kpeti, bè me nyí ti kòù. ¹⁰ Ke caàri ti yèmmè kè diwèl né ti bo sáà, ke ti wúó nyidawaá nkè ti né kparikùngo benitìbè péu, ke ti wúó mbèè í mọke dèmarè kè ti né mọke demau.

¹¹ Ti kọbe, Kòdenti kọbe ti í di sònnè tìmatì, ti di dómu nè ti yèmmè memau. ¹² Ti di duómmu ti yèmmè, dí í ti duó ndi kómè. ¹³ N di náánnè ke dò m bí nyi, ti duónnè di yèmmè ti di duómmè ti kómè.

Kuwenniku í wěnné dibìnni

¹⁴ Di báá taunnè dimáà bèè í yé Kuyie. Dewennire í wěnnè desínnè, kuwenniku í wěnnè dibìnni. ¹⁵ Kirisi í wěnnè dibòò, Kirisi kou í wěnnè wèè í tú Kirisi kou. ¹⁶ Bè í fiiku yebokè Kuyie ncíètè. Ti tú Kuyie ncíètè nte kù bo tèe miéke, kéndònnè ti wàrimè ke tu:

M bo mbo be cuokè ke be wěnné,
ke be te ke bè tu n kọbe.

¹⁷ Dèè te kè ti Yiè nKuyie mbéi nke tú:

Yènnè be miéke kécánné.

Di báá kááké dèè sí,
kè dèe yie nkè n di còuté,

¹⁸ ké n tú di cice, kè di tú m bí.

Mí nKuyie Mpakédaa míl me nyé.

7

¹ N kọbe Kuyie nti dájunnè yèè nò kó dimàà tú yesààyè nyé, yóunè kè ti menténè timáà dèè sínkùngo tikònti nè mēyèmmè, kēyetoo kéndò mpáí páí kéndé Kuyie.

Kòdenti kọbe cèètemè kè dè narike Pòori

² N duónnè di yèmmè meməu, n yí cààrè òmòu dèmarè, n yí tannè òmòu tidawantì mièke, n yí ciitè òmòu ke di o kperè. ³ Dè í tú m b́ei memme ke di kpannè, n di nàkémú kè n tú n di duó n yèmmè meməu ke ti wènné, ke yó nwè mmufòmму mièke nè mukũũ mmièkoo. ⁴ N di tá mediè mme kè n yèmmè di naatinè, kè m m̀ake dikòmbùò kè diwèi m bo mesàà ndi kpéi bá nè ti me nfèürimè.

⁵ N tùòke dii m̀onnì Maseduənni ke máánè meháàrimè tipítì timəu, n yí nna ke onpè, kénharinè bie nke yíèkù betòbè. ⁶ Kuyie nkùù ɔɔ bántè wèè yèmmè cààrè, kè kù m bántè kè Titii tuəkení. ⁷ Dè í tú dè n narike ò tùòkenimè máà kpéi, nè di sòò náríkunnè mèè botí o yèmmè ò n nàkémú di dómè ké n yà nè di yèmmè sòò cààrè mè nè di m̀ake tii kònyauti n kpéi deè te kè diwèi d̀oke m pī.

⁸ N sòò di ẁari dipátiri kécaàrè di yèmmè n yí dèmmu, bá kè ò dèmmu de kó ideb̀i í ɔɔte, ke yé di yèmmè cààrè mè dim̀onnì sámpó nwe. ⁹ Dè n naatimu di m̀onnì n di ẁarimè de kó dipátiri dè né í tú n yè ndi yèmmè cààrè mèè kpéi, de kó meyeñcaàrimè di tee mmèè kpéi nke kè di cèete ke tũnne Kuyie nkù d́o ku k̀obe mm̀ake mèè yeñcaàrimè botí. N tũ n yí di cààrè dèmarè. ¹⁰ Meyeñcaàrimè mèè tu Kuyie nk̀ome mè teénnè onítì nwe koò cèeri. De kó meyeñcaàrimè botí bè ɔɔ í òdèmmu me kpéi. Kutenkù kuù nkó meyeñcaàrimè í ceeri onítì mè ò k̀òumu. ¹¹ Wénténè ḱyà de kó meyeñcaàrimè mièke Kuyie mpī mm̀uò tãmmú, kè dè di yonke, kè di k̀òmbùòtìi do, kè dí ndó ké n yà, ḱité kécómmú kédèite wèè d̀òò meyei, ke benke ke d̀ò ndi í ò k̀òmmú.

¹² N sòò í di ẁari dipátiri wèè d̀òò meyei nhò kpéi

nyoo ò cààrè wè kpéí. N di wàri ke di bo dòò kè dèe benke di ti dómè mme. ¹³ Di dòò kè dè n narikemu, ke yíe ke n narike di sòò còutémè Titi kénárikùnne o yèmmè. ¹⁴ N sòò di sántemu Titi borè ke sǎ nhò mu nyí kàtoo, kòò kàtoo ke sǎ ndè mènke me ndò. Nh ò ndi náá mómmuò nwe, kéndonnè n sòò sántemè Titi di borè kè di mènke de nyà. ¹⁵ Ò di dǎ mediè mme, ke í yĩè ndi sòò ò còutémè kényie nho tié nké nhò dé mediè. ¹⁶ N yèmmè di naatinèmu, n yí di yĩèkù tìmatì mièke.

8

Maseduanni kàbe kó yepārè

¹ N kàbe n dǎ ké di náké Kuyie ndòò mèè sàà mme Kirisi kàbe tĩrè yèè bo Maseduanni. ² Bá nè mēfēũtímè me nti sǎnkémè mediè nè memme kè ti mmàke diwèl mediè, ke pǎ mediè, bá nè ti me ncĩnnimè. ³ Kè tii ndǎ nè timàà tì bo pāmè, kēpǎ kè dèe pēēté ti wērímu. ⁴ Tii do yetíróo ke ti báá nke tú tí yóu kè tì múnkee pǎ ti kperε Kirisi kàbe bèè bo Sudee kó kutempē mmièke. ⁵ Tii do keté kédúò ntimàà ndi Kuyie nkéndonnè Kuyie ndómè, ke né ti duó timàà, ke pǎ kè dèe pēēté ti yèmmè do dò nti yóó pǎ kè dè mmamè. ⁶ Dèè te kè ti bántè Titi ke tú wèe wētoo kēsòoté kényáúkùnne di kǎnti, kédeè mutōmmú ò keté mù. ⁷ Díi tú beketibè demou de mièke, ke dǎ Kuyie mmediè, nke mǎke bèè nǎ nke náá Kuyie nnáànì, nè bèè nǎ nke tì tié nkè di kǎnti yau, kè di ti dǎ mediè. Kè n yé ke dò ndi bo ntú beketibè bèè pǎā mbe mièke.

⁸ N yí yē ndi pǎ nè muwērímu, n dǎ ké di náké betǎbè pǎā mmèè botí nku, kè dèe yáúkùnne di kǎnti

ke di benke di dómè Kuyie. ⁹ Di yému ti Yiè nYesu di dòò mèè sàà, wenwe wèè do tú okpààtì ke yie nticĩti ke di kpàrikùnne.

¹⁰ N di náá n yèmmè dómme mme, dè wennimu ke dò ndi sɔɔtè kèmpãã, ke yé dũ yàà yàmè de kó meyèmmè kèketé di bo pāmè. ¹¹ Di keté de kó mutōmmú nè tikōnyauti nti, sɔɔtènè ké mù dèè nè diwèi, kèmpãã ndi bo na kèpāmè. ¹² Kàa pã nè a yèmmè memou, bá kè dè í deu Kuyie nhōō còutému, Kuyie nwèi a mɔke kè dè māmè mme.

¹³ Bè í yé ndí pã betɔbè kémante di mómmɔmbe, be yé ndi totému. ¹⁴ Di mɔkemu yíe, dí nteennè bèè kpa, kè bè naa mɔke kè di kpa bè di teennè. Bè de ntú di toté. ¹⁵ Kéndōnnè ti wàrimè ke tú:
Wèè do òò kóu péu
o kperε do ò í nsùó,
wèè kou sàm̀pó
o kperε me ndo òò í nhò dònté.

Pɔɔri tōmmè Titi nè o népobè

¹⁶ Ti sánti Kuyie nkuù teennè Titi kòò di dó ti di dómè. ¹⁷ Ò yiemmu ke bo kɔtoɔ di cie, dè í tú ti ò nàkémè mǎà, ò do dómu o mómmuɔ ké di yà. ¹⁸ Ti ò neínneenko ti népo wèè nàà Tináaṅsààtì kè Kirisi kɔbe bemou ò sánti. ¹⁹ Kirisi kɔbe bèè ò tǎáté kòò bo ti cie nkè ti kɔtenè yepǎrè Sedisademmu. Kè yèe déúkùnne Kuyie nyètiri ke benke ti dómè kènteennè titɔbè.

²⁰ N yí dó kèntɔ de kó idíiti dieyì m mǎà bè yàà bo n wátì mèè kpéi. ²¹ Ti í wanti dèè wenni Kuyie nyìkè mǎà, ti dó dèè wenni dènde Kuyie nnè benitibè ùkè.

²² Ti yíe ke tōnko ti népo wè, ti ò yáákemu kuce m̀péu ke s̀́ nho k̀̀ntì yau, ke né dɔke yauke di

mmònnì ò tá mèè kpéí. ²³ Mí nnè Titi tǐ wě nke pǐ mmutòmmú di kpéí, kè betòbè, Kirisi kàbe bèè bè tǎáté, kè bè pǐ mmutòmmú ke déúkùnko ti Yìè nYesu Kirisi yètírì. ²⁴ Bènkenè be, di bè dómè, kè Kirisi kàbe tǐrèè banté mùù te ke ti di sǎntí.

9

Kuyie nti pǎǎ nkè ti bo mpǎǎmmu

¹ Dè ténke í békú n di wǎri yepārè bè pǎǎ nyè Kirisi kàbe bèè bo Sudee ye kpéí. ² N yému di dómè ké bè teennè, ke di sǎnte Maseduònni kàbe borè, ke bè nàké ke tú nè yàkení nwe Akayii kàbe dómè kápá. Di kó tikònyauti tìi yáúkùnne besǔkúbè kònti. ³ N tònko ti kàbe bie nke dó nni nsó ndi bàátí ke dèemu, kè n di sǎnte dii sǎnni ntú dimómmònni. ⁴ Kè dè dò Maseduònni kàbe mabè bo n neinè kè bè sǎ ndè í dò mbè nàkémè dè bo naá nti kó ifei kè m báá yǐ di kpèyi. ⁵ Dèè te kè n tònko ti kàbe kè di bo tíi nyepārè di ti nàké yèè kpéí. Nè di pǎrè mieke nke bè bo bantémè di pǎmè nè meyèmmè memáà.

⁶ Di yému ke dò nkàa buótí sámǎpó a òó kǎú sámǎpó nwe, kàa buótí mediè nha kǎú mediè. ⁷ Bá wè wèè pǎ o yèmmè dò nwèè pǎ kè dè mmamè, ke báá pǎ kédeè kédemmu yoo dè ndònnè muwèrímú, ke yé Kuyie ndómè wèè pǎ wènwe nè o yèmmè memòu. ⁸ Kuyie mmòkemmu muwèrímú ke bo di pǎ kè dè nsū ké ndi sànnè késúsò nke di dǎò betòbè mesàà. ⁹ Kéndònnè ti wǎrimè ke tú:

Kù nitimu ke pǎǎ mbecǐribè sǎà.

¹⁰ Kuyie nkùù òó dúó nhotenkútì tidibotì kénké kòo kǎú mediè kápété kényo, kù bo ndi yéútì tidibotì kénké kè dè kòtírí ke di nìtì dǎke deuke. ¹¹ Kuyie

nyóó di pãmu mediè, nkè di múнке pã mediè. Kè ti kòtènè di pãrè Sudee kè bèè sãnte Kuyie nye kpéí. ¹² Ke yé yepãrè di pãã nyè í teénnè Kirisi kòbe màà, yè yó ntemu kè bèè sãnte Kuyie. ¹³ Di pãrè yèè yóó benke di tú bè, kènte kè kusũkùu déúkùnnè Kuyie nyètìrì, di yié mmèè kpéí nTináaṣààtì ke totírínè di kperè betòbè. ¹⁴ Be yèmmè bo ndi naatinè kè bè ndi báánnè Kuyie nkù di dòò mèè sàà ndiemè kpéí. ¹⁵ Nsãntínè Kuyie ku pãnnì dièrì kpéí.

10

Pɔɔri nàké tì bèè ò wàtìrì

¹ Mí Pɔɔri múi dó ké di béinnè. Mí nwèè yòò nKirisi n dòò mèè sàà nkpéí, kéndònnè di mièke bèmabè tumè nh ã nyòò n di bonè dìi mònnì kédété kékpenke. ² Báá duónnè kè n kòtoo dìi yìè di cie kè n náàntì ñkpeñnì, n yí yó nnáánnè bèè yèmmè dò n dɔɔri nè onìtì kó meciì nke yĩèkù. ³ Ti tú benitibè mbe, ti né í maù nè onìtì kó meciì. ⁴ Ti kó tikpàrinentì í tú kutenkù kuù nkpeti, ti tú Kuyie nkpeti nti ke kpeñnì, ke bo na kèponte sicèkperí. ⁵ Ti ti nkòùnè meγáàbìsìyèmmè nè sifeí kōme, dèè ti dítìnko Kuyie mbíékè. Ti ti mpĩnnè menitiyèmmè ke me niù Kirisi borè, kè mè yìè nho kpèti. ⁶ Kè di yie ndìi mònnì ti kpèti ti bo kpétínnè bèè yetírì Kuyie nkpeti.

⁷ Bè wèi dèè wenni dènde fenònfè. Kòò mòù yèmmè dò nhò tu Kirisi kou, wè nyé ke dò nti múнке be ntú. ⁸ Di yèmmè dò m pòtì Kuyie nni níímmè kpéí nke. N do dòmmu kèmpòtì kè dèe pèxétè memme bá ifei bá nni mbo, ke yé Kuyie kuù n níímmè kè m bo pĩ mmutõmmú ke di kpénkùnnè, dè í tú n yóó di

bo. ⁹ N yí di wāũ yepáte kè bo donné di kōm̀b̀ù̀t̀i. ¹⁰ Bè̀mabè̀ nàá nke tú: M páte náantì ò nkpeh̀ǹi ke yóu, kè n né k̀tooo nni nc̄l̄n̄n̄i ke náá nke k̀ó k̀ó nk̀ó nk̀é dè d̀ò mmesémmè k̀p̀e. ¹¹ Wèè nàá mmemme wè nyé ke d̀ò n di wāũ t̀i nè nh ò k̀tooo k̀ennáá ǹt̀i dè í cáá.

¹² M báá na k̀embeúnè m máá bèè yèmmè d̀ò mbè de. Bè tu tiyèint̀i ǹt̀i ke erìnè bemaá betòbè. ¹³ M báá na k̀ensánti m máá kè dèe p̄ēté Kuyie nni mbenné nè dè, n yó nsánti m máá Kuyie nni mbennénè dè nde. Dèè tú m bo k̀toomè di cie. ¹⁴ N na nyí n d̀ò n do í d̀ò nkédò dè nde kè n do í k̀tooo di cie, m̀i me nk̀tooo di cie ke di nàké Kirisi k̀ó Tináaansàt̀i. ¹⁵ Ti í d̀ó k̀empòt̀inè betòbè p̄i mmùu t̀ómmú. Ti d̀ó di tákùmè mè k̀penke, kè n t̀ómmúu yí k̀euke di cuokè, mù né báá p̄ēté Kuyie nyè mmù m̀berìnè dè. ¹⁶ De k̀ó dif̀onk̀úò m bo na k̀énáké Tináaansàt̀i yehèkè t̀eyè òm̀ò mu nyí nàké yè, n yí d̀ó n s̀otè òm̀ò p̄i ndè mut̀ómmú.

¹⁷ Wèè d̀ó k̀empòt̀i wè mpòt̀i nè Kuyie nhò deetémè. ¹⁸ Kuyie nsánti wè weè tu oǹt̀i dè í tú wèè sánti omáa.

11

P̀òòri nè besòumbè

¹ Kè di bo na k̀eminné kè n nàké kuyèink̀ù t̀émè di minné. ² N di d̀ó mediè mme kè dè n yóu, kè de k̀ó kuyonku tú Kuyie nk̀oku. Di d̀onnè isap̀umbi nyi, kè n di waá ndi d̀ò Kirisi, ke d̀ó di nwe nwetí omáa. ³ Ke né ỳèk̀ù bè bo di sukùmè kè di ò yóu. Kènd̀onnè f̀ewàáfè do soutémè Efu k̀óò f̀étinnè. ⁴ Di í yetírí t̀imat̀i, bá kè bè di nàké Kirisi t̀òu m̀òu k̀peti, di ò yiemmu, kè bè di nàké dibòò k̀peti di baayienko, kè

bè di nàké tì cǎǎnnè Muyaáansààmù nè Tináaansààti kpeti, di baa tó yienko.

⁵ N yèmmè í dò n kǎnnìnè di tú bè Kirisi kó yetōrè dieyè. ⁶ Kè dè yèmmè n yí nǎ nke náá, n né yému Kuyie nnáàntì páíí ke tì ndi nàké.

⁷ Meyei mme n kǎkùnnemè m máà ke di nàké Kuyie nnáàntì fààrè ke di bo kpenkaà? ⁸ N yóu kè Kirisi kǎbe n tǎ, kè m bè kòte, ke bo teénnè dímbè. ⁹ N sòò bo di ciè kòò mǎù í n tǎ. N kperè deè dìi mǎnnì, kè ti kǎbe Maseduǎnni kǎbe beè kǎtení kè m pǎ deè kó dimàà n dònté. Di kóò mǎù sòò í n tǎ, m me nyí dǎ òmǎù n tǎ. ¹⁰ Nè Kirisi timǎmmǎnti yiè nwèè bo m mièke ò kpéí, m báá yie nkè de kó disǎnnii nǎóté n yǎnkè Akayii kó kutempǎ nkumǎu mièke. ¹¹ N yí di dǎmu deè te kè m béi memmaà? Kuyie nyému n di dǎmè.

¹² N dǎòmè n yóó nsǎké ke me ndǎori. De mǎnnì bèè wanti kémpǎtì bè pǎmmè mutǎmmú ke ti dǎnnè, bè báá pété bè bo mpǎtìnè mù. ¹³ De kó benitìbè tú besòumbè mbe ke dǎò bémáà Yesu tǎrè. ¹⁴ Dè í dò nke ti di, dibǎò mǎmmǎnni òò namu kédǎò dimáà Kuyie ntǎnnì. ¹⁵ Dè í yóù dibǎò kó betǎmbè bo dǎòmè bémáà Kuyie nkó betǎmbè, bè né yóó yǎmu de kó mucǎntimu diyìè marì.

Pǎori fǎǎtémè

¹⁶ M bo yíé kǎbéi nke dǎ: Òmǎù bá nni nhwúó nkuyèinkù, kè di me nni nhwúó nkuyèinkù nku, yóunè kè nnáké tiyèinnáàntì, ke múnkeè fómú sǎmpó. ¹⁷ N dǎ ke béi ntì í tú ti Yiè nkpeti, tiyèinnáàntì nti. Dè dò n fómúmu kè n yóó fómú. ¹⁸ Betǎbè fuommu, kè be yèmmè dò mbè yé dèmarè,

m múнке bo fómму. ¹⁹ Díndi bèè yèmmè dò ndi ciì, di yie tiyèinnáàntì, ²⁰ ke yie nke tú be kó tidaatì, ke yie nkè bè di sóú nke tóú di kperε, ke yie nkè bè di senku, ke yie nkè bè di bemmu. ²¹ Di naatimu di tímè n cĩnnì, ifei ìl tì nni mbonè n yí namè ke dòò betòbè dòòrimè.

Mùu te kè betòbè fuo m múнке mù mòkemu. N náá tiyèinnáàntì nti. ²² Kè bè tu Ebedeebe mbe m múнке we ntú, kè bè tu Isidayeeribe mbe, m múнке we ntú, kè bè tú Abarahammu kó iyaàbí nyi, m múнке de ntú. ²³ M bo yí kénáké tiyèinnáàntì. Kè bè tu Kirisi kó betòmbè mbe, m múнке we ntú ke pĩ mmutòmmú ke bè pěěté, kè bè n kpetínné kuce mèpéu, ke m puotí kuce mèpéu, kè n kàáté mukũ nkuce mèpéu. ²⁴ Kè Sifube m puotí kuce mènùmmù didáù sipísitáàti nè mèwei. ²⁵ Kè Odommu kòbe m puotí kuce mètáàti, ke m bùstí yetárè kuce mènàà. Kè n diu nè bàtóò kuce mètáàti, kémmeke menie mmieke kuyie nku máà, keyènkè kemáà ke deitínè kudabekù kó diwétiri. ²⁶ N cemmu mieke kè n kàáté mukũ nyikó mmieke, Sifube nè bèè í tú Sifube be mieke, yehékè mieke nè depaa mmieke, dàméèrì mieke nè bèè sóú nke tú bè tu Kirisi kòbe be mieke. ²⁷ Ke pĩ mmutònyonkumu ke fěũté, ke wenté inuò, kè dikònnì m pĩ nkè sinéyěi m poté, kè m mòhnté tidiiiti ke bou dinù, ke mòhnté tiyààti kè muséé nni mpoté. ²⁸ Kè nní mme ndò nke wète kétotí n yèmmè Kirisi kòbe bemou kpeí. ²⁹ Kòò mòu í kpeñnì muwedummu mieke n yèmmè caàrè, kòò mòu do meyi mmieke dè nni yóu.

³⁰ Kè m bo mpòti nni mpòtìnè n cĩti nti. ³¹ Kuyie nti Yiè nYesu Kirisi cice wèè tu mesàà nyiè nsáà, ò

yému n yí sóúmmè. ³² Okpààtì Adetaasi kó dimànnì, kè nni mbo Damaasi kè kùmàndáà duó nkè bèè bàà dihèi kó yebòrè ke bo m pí. ³³ Kè bè mè nni n cǔũnnè dimámmùyáà kuduotí kó tɛbòtè, kè m bè yenténè.

12

Kuyie mbenke dè Pɔɔri

¹ Dè í wenni a bo nfuommè. N né dó kényíe tìmatì nti Kuyie nni mbenke dè nè kù n dáa ntì. ² N yé Kirisi kou mǎu nwe Kuyie ndo tùóté wè ke dèkenè kèĩnkè, dè mǎke yíe nyɛbie ntepiítè nè yènáà. Kù mènke do ò tùótémáà, dè ò dǎò tidɔuntì ntaà, n yí yé, Kuyie nkuù máà yé. ³ N yému ke dò nkù ò tùóté ke kònnè diwèihèi. Kù mènke ò tùótémáà, dè ò dǎò tidɔuntì ntaà, n yí yé, Kuyie nkuù máà yé. ⁴ Dɛborè kòo keè tináàh̄sààtì matì, onìtì í yóó na ke b́í ntì, onìtì keté ke í dò nké tì b́í. ⁵ Míi tu de kóo nìtì, ke na nna ḱempɔtì. N né dó ḱempɔtìnè n cǐtì nti. ⁶ Kè n do dó n na mpɔtìmu, dè me na bá ntú siyáàb́ísí, ke yé n náámmè mómumu nwe. N né yóumu kédó n dǎòrìmè nè n náàntì deè benke n tú wè, kòo mǎu bá nni nwúó nke dò n deu.

⁷ Kuyie nyóu kè dibɔò nh ānné mumɔmmú yonkumu, kè m bá mmǎke tefentè nè kù m benke dè kpéí. ⁸ Kè n kù bántè kuce mètǎàtì ke tú kù m miékũnne. ⁹ Kè kù ñ t́éñné ke dò: N kó mesàà nda bonè kè de sànnèmu, nh ɔ̄ pí mmutɔmmú onìtì cǐĩnnì dìi m̀nnì ndi. Deè te kè de n naati n cǐĩnnìmè kè Kirisi kó muwèrímú bo nni mbonè. ¹⁰ Dè n naatìmu n cǐĩnnìmè, kè bè n sǎá, ke n f́ũnko, ke caari n yèmmè Kirisi kpéí, ke yé n cǐĩnnì dìi m̀nnì ndi n kpeh̄nìmè.

Pɔɔri dómè kékate Kòdènti metáámmè

¹¹ Dii te kè ò nàké tiyèinnáànti ke fòmú, dii do dò nke nni nkómú. Bá kè n yí tú òmòu di yē mbèè tu Yesu tōrè diyè, bè í mpèēté mmùmamù. ¹² N fēūri ke mi nke dòò tii dieti di cuokè tii benkú n tùmè Yesu tōnni. ¹³ N dòò ba Kirisi kòbe tīrè tēyè ke í mē ndi dòò? Kè n cààrè di í n tòmè mme, n cīēnnè.

¹⁴ N kòtoo di cie kuce metáámmè mme, n yí dó di kperè marè, n dó dímbè di mómmbèmbè ibí ì òò í mpií i yembè, i yembè bèè òò ì pií. ¹⁵ Dè n naatimu m bo di duómme n kperè demòu kéduó m maa ke di teennè. M mē ndi dómè mediè di bo nni ndó sámpòàà?

¹⁶ Di yēmu ke dò ndi í n tò, kè bèmabè yèmmè dò n dòò mēcií nke di di kperè. ¹⁷ Yáà n nàké n tōnko bèmbè kè bè di ciité? ¹⁸ N tōnko Titi nwe nè ti kou di yē wè bèè di ciitáà? Mí nnè bè ti wē mmeyèmmè mēmáà ndi nè ti pí mmèè botí mutōmmú.

¹⁹ Kè de yèmmè di yèmmè ndò n náá mmie nke dó kébenke n wennimè mme. Dè í dò mmemme, Kuyie nyēmu n náámmè Kirisi dómè mme, ke bo di kpénkúnne di tákùmè mieke. ²⁰ N yīèkù m bo tuókoomè kénsó ndi í dōòri n dómè, kè m múnke dōò di í dómè. N yīèkù m bo nsómme di kpaá ke ēēnnè ditòbè, kè di mieke péi ditòbè, kè di sáá nditòbè, ke náá ntisinténáànti, ke mōke sifeí ke kóōnnè ditòbè. ²¹ N yīèkù m bo tuókoomè kénsó mbèè dòò mēyēi mbè kpaá sàké mufòmму yeimu mieke ke dōòri di dómè. Kè Kuyie nni ndii nyifei kè n yèmmèè cààrè ke n kómú be kpéí.

Pɔ̃ɔri wàrimè Kòdènti kɔbe ke tú bèe wénté bemáà

¹ Kuce metáámmè mme n kəroomè di cie. Ti wàrimu ke tú kè bè wátìrì òmòu dí tì tũntɛ benìtibè bèdébè yoo bètããti ìkè bèè yà. ² N sòò bo dìi mǎnnì di cie kuce medérímmè kécaummu bèè dòò meyei, nkéwɛte ké bè cau bá n yí me mbè bonèmè bembɛ nè betɔbè ke tú n ténke í yóó cǐɛ nhòmòu m bo tuəkoo dìi mǎnnì di cie. ³ Kè di dó kɛyà dèè benkú dèndɛ ke dò nKirisì nǎá m mieke di bo dè yà. Kirisì í cǐnnì ò benkúmu o wɛrímú di cuokè. ⁴ Ò do cǐnnìmu kè bèè ò baaké kudapããti kòo yǎnté nè Kuyie nkó muwɛrímú, ti múnke cǐnnìmu ò do dòmmè, kè Kuyie nkó muwɛrímú né ti bonè mù do ò bonè mèè botí, kè ti pǐ mmutǔmmú di cuokè.

⁵ Wénténè dimáà kɛyà kè di tákùmè fiúkú, kɛyááké dimáà kɛyà kè Kirisì bo di mieke, kè di yàáké ke sǒ nhò í bo di mieke di yǐkemu. ⁶ N yèmmè dò ndi yému n yàákémè m máà ke yà Kirisì bomè m mieke kè n tu o kou. ⁷ M báámmu Kuyie nke di báá dòò meyei, n yí dó m benke n nǎmmè, bá kè n yí tú òmòu di ndɔ̃ri mesàà. ⁸ M báá na kɛyete timómmǎnti tìi tu Kuyie nkpeti, n ti ndó. ⁹ Dè ò nni nnaatimu n cǐnnì dìi mǎnnì kè di kpeñnì. M báámmu Kuyie nke tú kù dǎke di kpénkùnne ku kó kuce mieke. ¹⁰ Dɛè te kè n di wàri dipátiri ke kraáo, kè dè bo yie nkè n tùəkoo m báá di kpannè. Kuyie nyí n duó mmuwɛrímú kè m bo di fɛũ, kù mù nni nduó nkè m bo di kpénkùnnemu ku kó kuce mieke.

¹¹ N kɔbe dè ndi naati, kè di nkótírì Kuyie nkó kuce mieke, ke nyáúkùnko ditɔbè kǎnti, kénwɛ ndinùù, kénnaatinè ditɔbè. Kuyie nkùù ti dó ke ti duó ndiwèi kù ndi bonè.

¹² Dòunè ditòbè mesàà. Kirisi kòbe bemou bèè bo diε mbè di dòunkoo.

¹³ Ti Yiè nYesu Kirisi kó mesàà nní ndi bonè, kè Kuyie nni ndi dó, kè Muyaánsààmù mùù ti taunko kè mù ndi bonè dimou.

Bibiri Kuyie Nnààntì Pátírì
The Holy Bible in the Ditammari language of Benin

copyright © 2001 SIM International

Language: Ditammari

Translation by: SIM

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-05-31

PDF generated using Haiola and XeLaTeX on 11 Nov 2022 from source files dated 1 Jun 2022

5e2d0f12-f1d8-567b-bf98-cf1de4599d16